

憲章外史續編

序

臣其昌逮事

神祖獲侍

光考於舊幄躬逢盛美曷勝揄揚比

熹皇起臣其昌閒廢之餘與叅裁

兩朝實錄曾奉

詔赴留都採訪邸報之未發者臣時因錄留
中疏抄上進即未敢謂有合於史顧惟一
時經畫要當使之不泯臣間嘗觀嘉靖朝
有若大政編年識餘聞見諸錄萬曆朝有
若筆塵邸抄恭昌天啓朝有若日錄從信
紀政或出自侍臣隨事載筆或本之通儒

有故發憤皆可爲紀述之光愧臣力衰謝
不能筆削而統一之無俾折衷爲憾屬有
許生重熙衷近代之故實括諸家之舊聞
循其率次列以事言卷帙不病於浩繁指
陳殊快於簡易可謂義文兼美者矣臣其昌
謂史之難難在近事孔子大聖猶云紀定

哀之事則微乃欲據觚者執鑿齒之論持

孫盛之辭有駭而却走耳故末世以史爲

諱諱於近也重熙沉雅薦信動以古誼自

程少年爲諸生不肯詭遇求聞晚遊太學

從事南北闡幾幸而復落無聊困頓之中

輒著書自娛而嘉靖以來注畧其一種也

生之言曰無益之言正士不述今天下之
竊民敗賊肆夷驕先臣貪禍至今未弭惟
嘉靖暨萬曆初年紀法足師以相救挽欲
求化理之助鑒戒胡可不備臣試舉其備
文而已述哉斯言可以破諱近之疑可以
鏡治朝之弊有志當世者可人置一編於

歷隅今

主上紹明

肅祖大洗叢脞之陋正臣工踴躍磨礪之日
然為嘉靖臣者斯能為嘉靖也治老臣不
敏願以數言先之

舊史臣董其昌撰

憲章外史續編序

臣恭讀

高皇帝大誥諸編及昭示奸黨逆臣諸錄凡誅其罪者嘗數其前功懲其惡者時原其昔善紀能錄過纖微畢悉刊行頒布與天下共見之天下共仰

朝廷彰瘴之必不可誣民生善惡之必不可匿懷刑者知法罔生者知懼其兢兢於敷教若此故當時日曆聖政諸紀臣子纂述未嘗諱忌夫以國事爲諱忌天啓以後然也藏之金匱者旣戒不

得輒窺筆之野乘者禁不得漫語縉紳士相
率貿貿以趨事而莫知所則倣於是君子小人
煩然煥亂而

朝廷賞罰遂因以失其所彰不足勸所瘴不足威
勸威謬而是非隨之其驩揜比周之迹錄益削
吁咈之文君子抱恨於顛倒小人屢萌於僥倖
其於

聖祖明刑弼教之意謂何哉竊謂

高皇帝開天立極慮周萬世比之堯舜

肅皇帝顯謨承烈佑啓後人同乎文武祖述未必遽

台憲章不可不勉試觀嘉靖時何等時也俺吉
並驚烽火日驚破城殺將東西告急直海狂逞
幾半天下所在叢窟一止一起兵荒連歲租稅
全燭戰士死生優卹屢下物力自當告訕智勇
至且交困然而

聖謨捷於風霆臣畧運如水火犯顏敢諫者蹈饒不
移挺身任事者盈篋無悔一時精神氣色有陽
明無陰昧迨至隆慶以及萬曆之初股肱惟良
俊乂盈側邊鄙不聳穉人成事太倉粟支十年
間右蓋藏相望五十年兵燹刑厝何莫非

肅皇帝飭法所遺也一變而盡鴻溝野部分南北再
變而燕雀處堂門庭召寇三變而狐鼠公行叢
神幾借矣天啓時魏祠穹碑爭諂競媚知有富
貴而不知有功名知有附戴而不知有忠順人
心漸滅殆盡豈世運使然哉亦繇塗塞耳目不
習見

先朝行事

國是晦而學術壞耳仲舒有言不通春秋之義者
前有讒而不見後有賊而不知守經而不知其
宜遭變而不知其權至哉言乎語曰不知行事

視已成事師心自賢未若觀省前人之百不誤
也魏相奏晁賈之論九齡述金鏡之篇有以哉
聖主焦勞自今羣臣泄沓如舊誰爲乎敬居正乎言
階拱乎誰爲廷相山曉乎宗憲崇古乎名爵繼
盛恩瑞乎揚揚中外考績加恩夫豈異昔人任
乃贊襄以拚過爲能封疆以避罪爲巧議論以
雷同爲尙身名輕於利祿情面重於法紀近喜
易襲遠慮難施逞臆易蒙蔽明難撤天下未嘗
無人蓋已事之不熟而吉凶無辨也昔鐸椒居
楚以楚君臣不能盡觀春秋爲大楚事撰鐸氏

微臣草野無識試取嘉靖以來近事彰之聞見者褒其大畧用次成編得失鑒戒展卷易竟錄嘉靖以求觀洪武庶幾有合焉願附芻蕘之末以供縉紳之一助云

崇禎六年癸酉重九日吏部候選監生臣許重熙述序

憲章外史續編目錄

第一卷

正德十六年四月至嘉靖六年十二月

第二卷

嘉靖七年正月至十五年十二月

第三卷

嘉靖十六年正月至二十六年十二月

第四卷

嘉靖二十七年正月至三十五年十二月

第五卷

嘉靖三十六年正月至四十五年十二月

第六卷

隆慶元年正月至六年五月

第七卷

隆慶六年六月至萬曆九年十二月

第八卷

萬曆十年正月至十八年十二月

第九卷

萬曆十九年正月至二十七年十二月

第十卷

萬曆二十八年正月至三十八年十二月

第十一卷

萬曆三十九年正月至四十八年七月

第十二卷

泰昌元年一月

第十三卷

泰昌元年九月至天啓二年十二月

第十四卷

天啓三年正月至七年八月

嘉靖注畧卷之一

太學生臣許重鵬編次

世宗肅皇帝

起辛巳四月終丙寅十二月

諱厚忽

憲宗庶孫在位四十五年改元嘉靖壽

六十葬永陵

祖母孝惠皇太后邵氏

杭州人
弟喜昌化伯

父睿宗獻皇帝諱祐亢

封興王弘治七年九月之
國安陸享國二十四年

母慈孝皇太后蔣氏

徐州人
弟輪玉用伯

孝潔肅皇后陳氏

元城人元配
父萬言泰和伯

廢后張氏

孝烈皇后方氏

江寧人
第銳安平侯

哀冲太子載基

開鹿妃生

莊敬太子載堅

王貴妃生

景寧王載圳

國德安無子
返葬西山

內閣二十七人

少師楊廷和

首輔二年
晉太傅
封伯不受謚文忠

費宏

首輔二年
文憲

楊一

清首輔四年
文襄

張孚敬

初名璉
承嘉人
凡四年
文忠

夏言

貴溪人
再

任首輔十年
文憲

嚴嵩

分宜人
首輔七年

徐階

華亭人
首輔十七年

少傅蔣冕

文定謝遷
正文

翟鑾

諸城人
文懿

李時

任丘人
文康

許

讚

靈寶人
文簡

呂本

餘姚人
文安

袁煒

慈谿人
文榮

水保毛紀

文簡石珪

蔡城人
文憲

賈詠

臨潁人
文靖

桂萼

安仁人
文

襄

方獻夫

南海人

顧鼎臣

崑山人

太子張璧

石首人

張治

茶陵人

嚴訥

常熟人

李春

太保

張璧

文簡

張治

文毅

嚴訥

文靖

李春

李春

李春

尚書

袁宗皋

石首人

高拱

新鄭人

高拱

高拱

高拱

高拱

高拱

右宗

皋

以長史入

平

敬

夢

獻夫

孫

部

郎

書舍

人

給事中

一

清

鑒

俱出

巡邊

夢

獻夫

掌吏部

○

平

敬

進士

至

一

品

終

七年

上於

正德

二年

八

月

初

十

日

生

於

興邸

興邸

興邸

興邸

興邸

興邸

興邸

興邸

興邸

興邸

辛巳

正德

十六

年

夏

四

月

癸

卯

帝

即位

前

月

丙

寅

宣

宣

宣

宣

宣

毅

皇帝

遺詔

丁

卯

太

監

韋

霖

侯

張

鶴

齡

駙

馬

崔

元

大

大

大

學士

梁

儲

尚

書

毛

澄

奉

詔

之

安

陸

戊

寅

至

邸

帝

迎

帝

迎

詔開讀乃登座受符四月壬午辭

獻王園寢翼日

辭母妃啓行在道行二十日壬寅至良鄉禮部郎楊應魁上儀狀請繇東華門入帝謂長史曰遺詔以

吾嗣皇帝此狀云何癸卯至京師止城外楊廷和申

禮部儀請帝不許御行殿受箋繇大明門入日中

卽位時久旱是晨大雨向午忽霖中外鼓舞明日詔

告天下丙午命官往迎母妃戊申集百官議崇祀

獻王禮尚書毛澄以定陶濮王漢宋故事進舉人張

璉諸侍郎王璡言帝入繼與哀英不類璡言於廷

和廷和拂然遂去璡禮部而以汪俊代之○大學士

致仕。

五月以長史袁宗臯爲大學士。承奉張佐戴永爲太監。護衛駱安陸松爲錦衣指揮。○策士於西角門。賜楊維聰等進士。○分遣行人存問在籍老臣。韓文劉健章懋謝遷王鏊楊一清。○以兵科徐之鸞言盡革錢寧等賜姓。

六月誅錢寧江彬。戮叛逆劉吉何堂等二十六人。贈歿事孫燧許達官謚。○王守仁尚書南兵部。○己亥再遣太監戴永迎母妃於途。○言官劾尚書王瓊結納彬寧罪狀。謫戍榆林。起彭澤尚書兵部。○贈先朝

諫矣諸臣陸震余廷瓚劉校何遵林公黼劉鉅孟陽
李紹賢劉平甫李翰臣詹軾并削籍黃輦夏良勝萬
潮陳九川及戍邊徐鏊○禮臣上議以孝宗爲考
獻王妃爲叔父母令崇仁王考獻王帝曰父
母可移易乎其再議廷和冤紀復上程頤濮議帝
不聽群臣皆言武宗以神器授陛下有父道焉
特以昭穆同不可爲世考其所考禮也獻王雖有
罔極恩不可以稱孝廟者稱之因錄魏明帝詔文進
覽不報○侍郎吳廷舉自劾與蔣冕好友當冤護
先帝南巡時不能遺書責其諫阻有愧韓愈之於陽

城冤奏言臣在扈從日廷舉時致臣書過多獎借與
今論異也帝不直廷舉調南工部

秋七月進士張璉上疏言皇上倫序當立比之哀
英較然不同若稱聖母以叔母則當以君臣禮見恐
子無臣母之義謂繼統武宗而尊崇其親則可謂繼
嗣孝宗而自絕其親則不可今日宜立廟京師隆尊
親之孝斯不失其爲父母矣帝覽之大喜即日御
文華殿召廷和紀冕入諭之授以手勅尊崇父母爲
帝后祖母爲太后廷和退而上言其不可以御勅封
還

八月從彭澤言革冒濫武職。太監張永谷大用馬永成陸閣魏彬弟侄封伯及都督指揮者。凡傳陞乞陞錦衣官二千一百九十九人。

九月癸酉。母妃至通州。聞朝議欲考孝宗惠甚。留通州不入。帝涕泗啓。太后願避位奉母歸藩。群

臣惶懼。○宗臯卒。起費宏大學士。

冬十月張璉著大禮或問一編。科道盧璣史于光劾璉惑亂。不報。璉自齋至左順門上之。廷和見勢不獲已。乃草勅下禮部。奉聖母慈壽太后懿旨。本生父獻王宜稱帝。母宜稱后。憲廟貴妃邵氏稱太后。帝從

之壬午母后至京。繇大明中門入謁。見奉先奉慈二殿主事霍韜。上言禮官持議非是。同知馬時中監生何淵巡簡房濬各上言如是議。○甲午諭上邵太后與獻帝后尊號。廷和不可。○甲戌乾清宮成。○許泰謫戍南海。泰有戰功。雖居寵倖。能小心周旋士大夫。其謫也。人多惜之。○雲南巡撫何孟春勸帝修德勤政。知人親賢。帝嘉納之。又上言宋真宗稱太祖爲伯考。尊興王業者也。考之一字。非可稱於獻王。詔書以先帝爲兄。獻王爲叔。亦允愜矣。廷和喜其助已。擢爲吏部侍郎。○給事中熊浹言。上貴爲天子而父

母以王禮處之安乎。稱帝后而別廟則大統所生義恩兼盡矣。費宏以爲嫌遂出之。

十一月封王守仁新建伯。守仁稱舉人冀元亨爲臣說濠構歿獄中尤爲含冤不報。

十二月帝下大禮或問於禮部時楊一清家居遺書吏尙書喬宇曰張生此論恐終不免從之宇不省除璉南部主事廷和語之曰子不應南爲大禮說難我耳璉鞅鞅去。○林俊自其家上疏諫阻尊崇所生廷和薦起尙書工部。○帝諭加典獻帝后以皇宇廷和不可。帝曰卿言已悉第罔極之恩報亦無方。

其免承朕命。廷和言。若加皇字。是與孝廟慈壽並。忘所後而重本生。臣不能辭責。願罷歸。喬宇率百官極諍。帝不從。禮臣毛澄賈詠汪俊言。加皇字。則正統無別。不可以告郊廟。科道翰林朱鳴陽程昌陳沂等百人各上言。加稱非是不報。○甘肅巡撫許銘嚴覈鎮將侵牟。議減戍卒月餉。總兵李隆不悅。嗾軍士鼓噪擁入。銘署群毆。銘歿。焚其屍。城中大震。太監董文忠擒其渠王禮二。悉隆陰謀。隆懼。殺禮二。以徇。巡按許鳳翔喻茂堅上其事。

壬午嘉靖元年春正月己酉朔○己未郊○清寧宮小

室火廷和言典獻帝后之加神靈容有未悅者乎科
臣鄧繼曾鄭佐部郎高尙賢亦言之。帝心動乃從
廷和議考。孝宗母慈壽稱典獻帝后爲本生父母。
○帝初卽位裁抑倭幸一清亡何興邸從官黃緣選
叙錦衣數百皇親邵喜請乞無厭舊聞蕭敬仍留大
內科臣朱鳴陽因災上疏不報。○陳九疇初爲王瓊
所構論死繫獄數年及甘肅事開議可以代許銘者
彭澤薦九疇遂釋獄授僉都御史巡撫甘肅并覈銘
變上報。○華京通徐淮各倉內官監督。○發內府及
太倉積餉諸邊。○廣西融縣盜周克亮嘯聚僭號流

劫鄉民都御史張嶺平之。

二月詳定朝參禮儀。江西巡按鄭啓元得宸濠予蕭敬私書欲急去巡撫孫燧以湯沐王守仁代因極論敬罪并劾守仁黨惡交通謬膺封爵有旨勿問。又有言張子麟交通事下守仁勘守仁奏言當時容有詐爲貴人書以欺濠罔利者或未可盡信耳子麟遂免問。守仁奏請父華卹典移書于毛澄澄答書謂華有科場詬議不可予守仁慚恨復書曰執事辱先君至此守仁可以死矣時以是推澄之執。

三月丁巳上慈壽皇太后曰昭聖邵太后曰壽安與

國后曰興國太后。○戊辰遣官之安陸上獻帝尊號。題主不稱考及叔。○念翊戴功封廷和。冕紀爲伯。崔元爲侯。皇親邵喜蔣輪各封伯。張鶴齡進封國公。○山東礦賊王堂煽聚流劫。尋卽定。○北虜亦不刺於正德初。仇殺小王子。懼其子報之。率衆走涼州。乞我間地駐牧。攻破安定。諸王族盤據西海。日漸陸梁。至是亦不刺之子麻八台。侵破諸番落。兼有西上。○宣府鎮卒譴噪。事聞。給事中許復禮言。邇來政多寬假。事尙姑息。權奸有罪而輕宥。豪卒干紀而不誅。疏下兵部。○戶兵尙書孫交彭澤言。國家歲漕四百萬。

石領運則十二總衛所一百四十軍旗十二萬六千八百淺船一萬二千一百四十近者漕規盡弛軍亡船敝命總漕都御史覈之。

夏四月吳淞江白茆港訖工東南水利以二河爲要。尚書李充嗣承命往濟凡七閱月云。

五月廷和冤紀辭伯封。○尚書林俊改刑部。○駙馬崔元關說獄情爲主事陸澄所劾併其名帖封入。

上曰刑官執法不聽囑託自其職分何必以名帖封奏顯係好名置不問。○上一日欲觀內庫儲積太監張佐奏曰自有冊籍可查不必親閱。上止衆侍問。

佐何意。佐曰：寶貨易眩，經目或啓靡心也。

六月套虜二萬騎，自井兒堡撤牆入固原，直抵涇州。衛官楊洪、劉端戰歿。旬日乃去。尙書彭澤見邊備日弛，請假巡視名目，前去會同邊臣從實料理。上留之。

秋七月，南京大雨，水溢。

八月，封乳母宮媼劉氏、魏氏、孫氏爲夫人。○南大理丞黃鞏賀聖壽，至京卒。

九月，立皇后陳氏。

冬十月，覈畿內皇莊及勲戚田土，巡撫孟春勸勸各

項田計二十萬九百一十九頃二十八畝其侵占民田二萬二百二十九頃二十八畝俱令還民皇莊改名官地○科道章僑梁世驃各條奏三代而下道學之傳至朱熹大明近有以陸九淵爲簡逕朱熹爲支離宜行嚴禁以正士習上曰祖宗表章六經勅從正學欲以成光明正大之業近年士習詭異有傷治化其行督學官諭禁○兵部遵前詔查覈騰驤等衛勇士替補太監閻洪奏取中旨免覈給事中毛玉因言先朝谷大用等權移人主宗社幾危皇上繼祚宿弊消數年之禍亂近聞從龍內臣漸以納賄招權

仍蹈覆轍宜暴前人罪惡不復用戒諸內臣保身惜福上然之降旨戒諭

十一月庚申壽安皇太后崩○陳九疇至甘州知李隆殺燬許銘械隆詣京卽訊

十二月給事中陞僉事史道以前疏救王瓊故怨廷和出之遂劾廷和漏網元惡上曰廷和在先朝力阻宸濠護衛諫止南巡不草威武勅道言不直下之詔獄科道于桂曹嘉論救不報尋出道爲州判初科臣章僑奏平濠功次冒濫彭澤不喜科臣徐景嵩陳江劾侍郎趙璜不職璜尋進尚書僑復論之及道論

廷和澤上言廷和輔養聖德小人假言責橫行使廷
勅大臣避嫌求退不可也廷和疏退勅鴻臚宣諭
智廷和疏請再三同官紀冕暨彭澤孫交相繼求去
御史鄭袞奏曰廷和有撥亂反正之功足稱救時宰
相史道指爲元惡不已過乎夫避人焚草言官之體
道乃先揚其聲至外補而始發之心迹詭秘可見
陛下不以此罪道而以排陷大臣下之理是使道有
詞也廷和以道言乞休同官以廷和故求退臣恐大
禍潛移隱憂可畏幸諭廷和視事毋要潔已之名○
○慈卒謚文懿學者稱爲觀山先生

二年春正月癸卯朔南畿河陝地震○禁言官誣劾大臣御史汪瑄言史道狂妄特一臣之失耳澤欲以此壅塞言路壞祖宗之法不可御史曹嘉請允廷和之去給事中李學曾言大祖設六科關聯六部舉止欺蔽列十三道彈壓百僚事得專達澤何所見而欲紊亂以重大臣之威有旨臺諫官職掌如舊二月丙申附葬孝惠太后於茂陵○毛澄罷○上於乾清宮命內侍數人習學經典講究科儀大學士廷和極諫乃止○文華殿進講畢上召廷和近御座諭曰草場踏勘先帝成命仍聽本監管理李璽免貳

廷和頓首言谷大用假勘地之名混占民產與其利
蠱國之盜孰若溥朝廷之恩上不答○太監趙山
楊聰丘清戴義相繼死各乞廕其姪爲錦衣官給事
中夏言力諫不聽○御史曹嘉品第朝臣五十人釐
爲四等上奏其一資望林俊石琚等八人其二寡過
毛澄金獻民等十五人其三庸衆趙璜秦金等十四
人其四卑污張子麟楊一清等十四人給事中安磐
奏引王珪之論房玄齡解縉之論黃福皆承君命品
藻未有無故而恣其口吻者上有禮貌大臣之心而
小臣肆其輕侮非盛世所宜有也給事中毛玉亦言

之。上惡嘉狂肆，令補外。御史向信奏曰：「史道倡異說，曹嘉衍評品，皆僉事閭閻鼓之。」御史劉廷篳言：「閻道嘉結黨邀名放言。」命各斥爲邊方雜職。

三月，賜進士姚涑等是科得徐階。

夏四月，興廟用八佾。○命宋儒朱熹裔孫爲五經博士。○錦衣百戶張瑾勒索斛羨，主事羅洪戴欲劾之。瑾請受笞免劾。洪戴從其所請。瑾奏洪戴擅撻錦衣官。上怒，逮赴錦衣獄考訊。尚書林俊、孫交力救，不報。

閏四月，太監崔文奴、李陽鳳橫索巷伍征役錢。御史

劉黼發其事。刑部執陽鳳鞠之。文囑林俊勿問。俊不可。文遂請旨移訊錦衣。俊執不與。文劾俊抗旨。上切責俊。刑主事楊永奏曰：舜爲天子，不撓臯陶之法。刑部按一廝養而奪之，何用士師爲哉？給事中趙漢奏曰：陽鳳事甚小，而崔文能致尚書之詰責，事大。文收捕告人捶之，叱曰：此笞寄與尚書，其威侮如此。則劉瑾不難爲矣。○科臣鄭一鵬奏曰：邇者禱祀繁興，諸宮各建齋醮。西天西番漢經諸廠亦有之。先帝已誤。陛下豈容再誤？恐拂士之諫，不忍違倭倖之請。臣所未解也。上曰：天時饑饉，齋祀暫止。

五月大旱又有雷震域竿之異。御史秦武指切時事。上責其狂率。南科彭汝實奏曰。應天以實不以文。燕閒虛費於女寵。腹心委託於貂璫。而望天意之回難矣。○鄞人宋素卿奔日本。正德初。國人源永壽偕來貢。其族人識之。告素卿附夷。守臣以聞。置不問。至是其主源義植幼。政在強臣。左右京兆內藝興。細川高藝興遣僧宗設。川高遣僧瑞佐及素卿各來貢。先後至寧波。而市舶司閱貨宴坐。向以至先後爲次。素卿賄太監佐。後至而先閱。又坐設上。設怒。遂相殺。太監陰助佐。援之兵。設愈怒。遂燬嘉賓堂。劫東庫。佐奔

紹興設追至城下。逼令鄉佐獻出。乃去。設衆至霍山。洋殺都指揮劉錦千戶張鏜。又自育王嶺逃至小山。浦殺百戶胡源。巡按歐珠奏聞。

六月有星孛於天市。○上御平臺。召廷和。冕紀宏面諭。獻帝太后皆加皇字。廷和等頓首固止。○科臣周瑯請爲安陸立後黜崔文誅李隆以弭天變。

秋七月製興廟樂章。○初定國公徐光祚奏土豪久隱功田下順天撫按勘。永平知府郭九臯覈係姦民趙紀違例投獻。駕言吞隱。紀遂赴東廠告九臯多受金錢。曲斷。太監芮景賢奏之。時九臯移守臨洮。遣官

尉之臨洮收之尚書林俊奏曰人主宜攬大綱卽九
臯貪忍不妄陛下不免以天子之尊下侵有司之
事今據卑辭而褫奪衣冠甚非德美不報科臣劉濟
章僑劾景賢亂政上怒奪俸南京科道鄭慶雲等
交章言逆瑾復見於今日不報○林俊稱病乞骸骨
于致仕差司屬官護送歸○皇親陳萬言營新宅尚
書趙璜不可萬言訴於上謂郎中葉寬主之詔
逮寬卽訊○科臣劉最奏曰崔文導陛下於有過
之地法官深嚴恣爲禱祀侵費帑金六七萬上優
旨慰文責最嚴實帑金侵費最窘奏內帑不可查覈

上怒最妄言着外補科臣衛道汪思上章申辯
上切責之

八月河南大水○楊廷和十二歲考績加太傅辭不
受○給事中孟奇言先朝姦黨魏彬張銳錢寧廖鵬
與曹陳諸侯伯爲親之數家者或其先連婚帝室或
銘勲太常惟利是求曾無覲顏上命禁之○光祿
少卿華湘言堯時冬至初昏昴中日在虛七度今冬
至初昏室中日在箕六度未四千年而差五十度矣
至元辛巳改曆至今歲差一分五十秒今差三度六
十四分五十秒夫至元距洪武甲子僅一百四年今

則二百四十三年矣。乞訪知者詳定歲差以成一代之制。○御史王國用私假劉最符檄乘傳爲東廠芮景賢刺及卽逮最國用下鎮撫司訊最謫戍國用降外。

冬十一月南刑主事桂萼上言大禮畧云孝宗自有子不可復爲立後。臣按范純仁謂英宗親許爲仁宗子與入繼之主不同。皇上果許爲孝宗子乎。併錄席書方獻夫之疏上進書疏畧曰。皇上尊爲天子而父母無尊稱。於情安乎。此與武王追王之心未遠也。獻夫畧曰。陛下之繼二宗當繼統而不繼嗣與。

獻之異群廟。當稱帝而不稱宗。請改孝宗曰皇伯獻。帝曰皇考。別立廟祀。則當於名實矣。上曰此係綱常大事。會群臣集議。○傳陞供奉夫人弟邢福海。顧錦爲錦衣官。科道夏言。屠僑諫阻不報。

十二月太監刁永請遣內臣之蘇杭織綺繒。上命

廷和撰勅科道張原吳瀚疏諫。廷和請收回成命。

上切責廷和抗違。廷和稱病乞休。遂致仕。○南京地

震。大雷電以雪。○錦衣官王欽王錦侵負鹽價百餘

萬。論死繫獄追賊。忽出中旨免死。編戍勿追。科臣劉

濟疏諫。又有錦衣李洪陳宣睚眦殺人命奪級。濟奏

言法司平理庶獄必使罪協其情天子不得以喜怒重輕今洪宣奪級欽錦編成與王國用劉最一律其何以示天下○彭澤罷以金獻民代

甲申三年春正月丙寅朔歲填次營室丙子五星咸聚

辛巳五星皆伏太白先過壁光祿少卿樂護奏曰五星之聚是謂改易有德受慶無德受殃故聚房周祚以昌聚箕齊桓用霸漢興聚井宋盛聚奎昭然在德天寶聚尾箕而唐德弗稱旋有祿山之禍易簡寡欲修德之大乞陛下勵精而實行之○郊祀畢例有慶成宴上以災歉不舉○大理卿鄭岳請於畿內

河南督居民開田築隄防以障汎溢鑿溝渠以通漕
溉其平時曠土無川澤之利者量鑿血澮或爲陂塘
下通水泉之出上收雨潦之入數年之後皆爲沃壤
而水旱不足憂矣

二月以太監張準提督京城九門○主事侯廷訓據
宗法爲大禮辨尙書汪俊以爲至論尙書喬宇率九
卿上疏必以孝宗爲考而後太宗爲不絕前後章奏
惟張璉霍韜熊浹桂萼議同餘二百五十人皆如部
議科道張翀鄭本公等六十三人各抗章力言當從
衆議上怒悉奪其脩修撰唐臯言陛下宜考所

後以別正統。應所生以備尊稱。

上謂其模稜兩可。

亦奪傳。於是汪儀更議。帝后各加一字以備尊稱。不報。楚王榮滅。以儀賓沈寶疏上。代府長史李錫南院經歷黃綰錦表千戶聶能遷各上疏與璵夢合。上命召璵夢書輶來京。○興國太后千秋日。命婦入見。宴賚倍常。○科臣鄧繼曾請勿吝改過。加戮儉人。

上大怒。逮下詔獄。○南畿饑甚。民多相食者。巡按朱衣奏聞。○晦日。昭聖太后聖旦。有旨命婦免朝賀。御史朱濶言。皇上孝事兩宮。常如一日。茲者朝賀之儀。興國太后舉行。昭聖報罷。禮數所失不小。御史馬

明衡言當議禮紛更之時正人心匆惶之際忽傳報罷安得無疑上怒逮繫詔獄侍郎何孟春論救不報御史陳逅季本員外林惟聰疏爭亦併逮繫○管龍虎殿於顯靈宮以奉玄武

三月聰等自南京上疏由明統嗣之辯且曰今之加稱不在皇與不皇實在考與不考若徒爭一皇字則執政必姑以此塞今日之議臣恐天下知義禮者仍必議之不已也上嘉納之是日御平臺召冤紀宏諭加尊號及議建室冤曰臣願陛下爲堯舜勿爲漢哀帝上曰堯舜之道孝弟而已矣黃綰復申聰

之說丙寅上勅禮部加稱本生父母爲本生皇考

恭穆獻皇帝章聖皇太后仍於奉先殿側別立一室

尙書汪俊極諫上曰爾職邦禮違背正典肆慢朕

躬卽致仕去侍郎胡璣言大禮既定席書不必徵取

上從之併止璉夢璉夢中路聞報復上疏極論兩

考之非必亟去本生二字繼統之義始明上命復

召來京蔣冕言於上前曰二人來必撲殺之上

不問中旨以席書爲禮部尙書科道安磐田麟等交

章論阻不報尙書喬宇曰書不與廷推特出內降百

條年所未有乞收成命不許

徐學謨曰。本生二字。蓋屈於群臣之爭。而姑爲調停之說耳。假令二臣喙息。而禮臣念禮可義起。廟祭先正統。而後本生。何有並大之嫌。廷和爭執不已。而群臣復附和之。張桂遂得以寧忤天子。不敢忤權臣之言。聳動聖怒。必伯孝宗而後已矣。然張桂旣以爲人後者爲之子。非聖人言。而謂孔子鄙爲人後。又引翼相圖之射爲詞。何以見獨非漢儒附會乎。大臣以道事君。不可則止。豈若內悅其君。而外竊其威者。廷和之自處得正矣。

夏四月。魯迷貢獅子西牛。○侍郎吳一鵬會百官力

言建室之非

上曰皇考寢園遠在安陸卿等執奏

敗父子之倫傷君臣之義欺朕冲年甚失綱常其亟

行修飾修撰呂柟編修鄒守益曰陛下徇情以爲

孝群臣順令以爲忠此而不已非國家之福也昔曾

元憚於易簣曾子以爲細人之愛魯受天子禮樂孔

子傷之今以非禮祀獻皇安乎上大怒逮詔獄

命內閣撰冊傳諭昭聖冊內稱嗣皇帝獻皇帝冊

內稱孝長子章聖冊內加稱聖母自稱長子又欲去

本生母三字冤力諍封還御批者再乃依原文上聖

母曰昭聖康惠慈壽皇太后本生母曰本生聖母章

聖皇太后○蔣冕乞致仕許之

五月改奉先殿西室爲觀德殿遣太監賴義侯崔元
侍郎吳一鵬之安陸改題神主曰本生皇考恭穆獻
皇帝迎如京師○璉夢至京復同上疏極論兩考之
非鴻臚少卿胡侍諫止稱伯謫外

六月以石琚爲大學士○科道各疏彈璉夢罪科臣
張紳取群臣彈章奏發刑部尚書趙鑑私語紳曰若
得俞旨便撲殺之上知之降中旨以璉夢爲翰林
學士獻夫侍講學士三人各上疏辭學士命上溫
旨慰諭尚書喬宇言三人有玷清班上怒切責之

宇致仕去翰林官楊慎姚涑許成名崔桐邊憲金臯
言臣等所執者程顥朱熹之緒夢等所言冷褒段猶
之餘也學術不同乞賜罷黜上怒俱奪俸御史段
續陳相言聰夢假議禮之名爲干進之術以若人而
授若職臣恐鼯鼠之厲作而負乘之寇至矣上責
其排妬忠賢下詔獄南部院尙書楊旦等各疏阻俱
切責之○員外郎薛蕙著爲人後解以駁聰夢之議
曰禮立後者重大宗也爲之後而不稱父可乎上
怒逮繫詔獄○太監賴義奉迎神主至順德守臣失
於迎候又不飭公署爲行殿詔逮兵備劉秉鑑知府

羅玉卽訊

秋七月。璵萼旣拜新命。列十三事以上。上采其議。遣官至閣。諭紀等去冊文本生字。紀等力言不可。上御平臺。召紀宏珪責之曰。爾輩事君不忠。如何以禮待爾。又曰。爾輩無君。欲使朕無父乎。紀等惶怖而退。召百官至左順門。勅曰。本生聖母。更定尊號。曰聖母章聖皇太后。侍郎朱希周。率郎中余木汪。必東言本生二字。初非貶辭。去之則於昭聖無別矣。何孟春。秦金。豐熙。暨九卿翰林臺諫。章十三上不報。○上齋居文華殿。金獻民。徐文華。倡言曰。諸疏留中。必改。

孝宗爲伯考矣何孟春曰憲宗朝尚書姚夔率百官
伏哭文華門爭慈懿皇太后葬禮此本朝故事也楊
慎曰國家養士百五十年仗節歿義正在今日王元
正張翀遮留群臣於金水橋南於是何孟春等二百
二十人俱赴左順門跪伏有呼高皇帝孝宗皇
帝者上聞之命司禮監諭退不去朱希周詣內閣
邀毛紀費宏石琚同跪言宗廟之禮至大至重而本
生二字爲要上復遣諭冊文定矣爾輩姑退群臣
仍伏不起自辰迨午上怒命司禮監官錄諸姓名
於是豐熙等八人下詔獄楊慎王元正乃撼門大哭

群臣皆哭聲震大內。

上大怒命繫馬理等一百三

十四人詔獄。○巳卯上聖母章聖皇太后冊寶。○杖

群臣於廷編修王相王思給事中裴紹宗毛玉御史

胡璦張日鞫部郎楊淮張潔申良臧應奎仵瑜余禎

安璽殷承叙俱卒。謫豐熙張翀余翺余寬黃待顯陶

滋相世芳母德純戍邊。○甲申奉安皇考神主於觀

德殿趨席書入朝。○大同巡撫張文錦議於大同城

北九十里建築五堡徙鎮卒二千五百家戍之。諸卒

不願徙。叅將賈鑑峻法箠其伍長。諸卒遂變殺鑑裂

其屍。嘯聚塞下。保焦山自守。○僉事陳洸疏稱去本

其屍嘯聚塞下保焦山自守。○僉事陳洸疏稱去本

生二字爲致決宜詔天下乞罷喬宇以息邪說復史道于桂曹嘉以作正氣上悅復以洸爲給事中○辛卯杖楊慎等七人張原歿於杖下慎及王元正劉濟成邊○改吏侍郎何孟春於南工部有旨切責毛紀罷之○文錦恐叛卒連虜招使入城旣入卽索首謀者諸卒復亂焚巡撫門文錦踰垣走匿博野王家諸卒焚掠官廨復脅王出文錦殺之亦裂其屍發庫兵盡甲掠總兵江桓署出故總兵朱振於獄脅令爲之主振不能已與約曰勿犯宗藩勿畧帑庾勿縱火肆殺從我則可諸卒曰諾稍就約束

八月侍郎賈詠爲尙書大學士。○廷議遣侍郎李昆
齎勅赦諸叛卒。以太監武忠代鎮守。桂勇爲總兵。蔡
天祐巡撫之。叛卒雖勉聽朱振約。仍肆劫掠。振箠
數人終莫能制。及天祐至。諭以朝廷恩威。暫爲解散。
桂勇分部五十餘人箝殺之。釋郭鑑。擲忠以安衆。亡
何有。別將領兵過大同。掠民畜。民誦之。兵詭曰爾大
同叛。朝廷命吾兵盡斬若屬。何吝畜爲。於是訛言洗
城。叛卒大懼而進。士李枝輓餉至鎮。衆謂有密旨。夜
集數百人排枝闥問故。枝出公移示之。始信。然衆已
聚不可散。遂圍知縣王文昌署。文昌走匿。乃燒居民

數百家。明日脅代王索金帛。王曲應之。始解散。王懼。徵服遁於宣府。天祐以狀聞。○速檀滿速兒牙木蘭火者。他只丁率衆寇甘州。都御史陳九疇擊之。滿速兒走。九疇間道抵肅州。夾擊破之。殺火者。他只丁。畚衆遁去。路遇亦不剌。復邀擊之。大勝而歸。○席書至京。以孝宗名未正。命集議。鄭岳。徐文華力諫。上責之。胡世寧憂居里中。亦上言。大禮之議。惟在聖心。獨斷。考孝宗不可。獻皇帝生。陛下而別立於外藩。不可。上嘉之。祭酒崔銑諫曰。陛下無輕正統。無拂群情。則今日之忠邪辨矣。上怒奪其官。

九月集議汪偉鄭岳徐文華猶與璵力辯武定侯郭
勛曰人臣事君將順其美於是書夢璵獻夫公鶴齡
侯勛崔元仇鸞等六十四人上言天子無大宗小宗
無所生所後人無二本孝宗伯也昭聖伯母也宜
從所稱獻皇帝別立室尊尊親親兩不悖矣上
從之乃改稱孝宗爲皇伯考昭聖爲皇伯母布告
天下○滿府長史司吏陳卿反囑聚青羊山流劫潞
州諸縣○命侍郎胡瓚都督魯綱討大同亂卒○百
戶隨金講遷○建寧松林尙書趙瑄自山川靈秀所
萃不可輕視○建寧議定各顯陵如七陵○命尙

書金獻民都督抗疏請其齊薈北至蘭州而寇已出
嘉峪乃用九疇策遷置夷使於嶺南閉關絕貢九疇
報速壇滿速兒歟

冬十月起廖紀尙書吏部

十一月從陳洸言復闕閤史道于桂曹嘉於科道○
杭州監織太監吳勲有奴暴橫布政馬卿禁持之勲
不悅奏抗旨稽誤上怒命逮卿及知府查仲道○
○盜殺山海關主事王冕○積綱兵至陽和堡密檄
桂勇捕首亂羽檄日下亂卒大懼勇擒郭鑑柳忠十
一人斬之鑑父疤子復倡亂叛卒盡甲閉城門夜圍

勇署屠其家人。生啖之。幽勇於空室。天祐聞變。馳至。晚喻諸卒。羅訴求止兵。天祐曰。能擒獻首惡。猶可及止。諸卒乃擒四人以獻。天祐斬之。瘡子跳匿不出。瓚欲提兵而西。天祐函首送瓚處。仍奏乞班師。瓚止。○大同縣庫吏乘亂焚知縣王文昌署。文昌自殺。

十二月評事韋商臣請宥建言獲罪諸臣。上怒斥外。

乙酉四年春正月。起楊一清總制陝西。一清過雒陽。造故大學士劉健。欵伺良久。健袒裼出。曰。應寧出將乎。一清曰。承乏爾。健出。既茗飲之。竟無一語。○冀北僉

事田美爲虜所殺。○起胡世寧兵部侍郎御史曹弘勅之不報。○御史劉翀奏近正遠倭畏天恤民十事。○都御史陳洪謨爲諫大禮遷謫物故諸臣請乞恩貸不報。

二月牙木蘭據哈密率衆入沙州。○初宗設肆掠後匿入海番素卿瑞佐就執下獄。朝鮮兵徼海者得設黨仲林望古多羅及倭首三十三國王李懌獻之。乃發林望等至浙驗實與素卿俱斬。瑞佐釋還本國。

范守已曰鄭曉有云夏言謂倭禍起於市舶遂請罷之不知當罷者內臣非市舶也祖訓雖絕日本

而市舶不廢。蓋以通華夷之情。使利權在上也。市
船罷而利孔在下。姦豪外交內訬。海上無寧日矣。
噫。曉言不爲無見。然使番舶不至。則姦豪何從誑
取其貨以階厲耶。夷貨非衣食所急。何謂中國不
可缺耶。朱統嚴其禁令而言者紛紛。則衣冠之盜
甚於夷狄也。

大同亂卒郭疤子胡雄復煽餘黨。夜焚王總兵家。衆
卒馳告天祐。天祐曰。俟曉治之。詰朝集諸卒。問以亂
故。衆曰。倡亂有主名。皆知之。乃擒疤子等四十人。悉
斬以徇。因事捕誅餘黨殆數百人。亂始定。

三月纂獻皇帝實錄○陳洸論楊旦汪偉朋邪俱罷之。

夏四月光祿署丞何淵言。獻皇帝乃所自出之帝。

請於太廟內別立世室。上命集議。尚書席書奏曰。

周以文武有大功德。乃立世室。與后稷皆百世不遷。

獻皇帝以藩王追崇帝號。何淵乃比之太祖太宗。

不知何據也。璉夢亦言不可。上曰。觀德殿在大內。

太常不與祀典。匪合儀制。書等遂議於皇城內別立。

禰廟祭用次日。從之。乃命卜地。擬名以聞。○仁壽宮。

災。昭聖所居也。延藝王德安喜景福等殿。上減膳。

徹樂素衣避殿論群臣同心修省給事中楊言極諫言六科各失其職以致進退失當儉朴不聞享祀未孚職員多濫刑罰不中工作不常伏望進君子退小人御史涂敬言呂柟等過有可原王相等情尤可憫張璉等倖取捷徑莊田紛紛奏索鹽引往往欽依錦永冒濫弗覈御用匠役增收先朝弊政漸次踵行上覽奏原之

五月己未遼陽地震○御史葉忠以災變陳言十事○四川兵備副使余珊效魏徵謹陳十漸請亟去費宏

六月作新廟。擬世世不壞。

名曰世廟。

秋七月。吏部以御史孫元席春。劉夔。皆當路子第。改按察司僉事。席書爲第乞恩。請授館職。上命春爲修撰。夔爲編修。給事中鄭一鵬言。正德間。傳乞雖多。文臣清秩無有也。書議禮偶合。忝行胸臆。爲第乞憐。平生姦僞洞見矣。

八月。梁儲卒。

九月。泰和伯萬言弟姪。在元城橫奪民田。知縣張好古收而箠之。萬言以聞。命逮京。卽訊。○林俊卒。將疏辭祭葬。因言古者撻人於朝。辱之而已。成化初。延

杖容令重氈疊帔。至劉瑾始啓解衣之端。釀成撻戾之慘。又見成弘間詔獄。惟叛逆妖言強盜。始有考訊之旨。今一槩考訊。恐非祖宗仁厚之意也。

冬十月何淵上言。國制左祖右社。言社則稷在其中。言祖則禰在其中。社稷尚得合祭。祖禰何以不得同門。上命集議。禮臣言。若直通廟街。必撤垣伐木。毀神宮監。乃可。大學士費宏賈詠石琚力諫。不聽。席書請仍出闕左門便。上令於神宮監北量撤旁屋。容通板輿。書與胡世寧力言不可。不報。

十一月御史吉棠奏召楊一清入閣。起彭澤代一清。

總制吏尙書廖紀謂總督非一清不可禮尙書席書奏紀內柔順於相臣外牽制於科道書意蓋欲退費宏也紀見書侵吏部權遂請讓位於書懇求自罷上優詔留紀而仍用書言召還一清科道張璠周在劾書搆結是非陰行箝制無大臣體不報又書前撫湖廣時劾長沙知府宋卿貪酷故入部民李鑑罪上遣大臣往按之還言卿所犯俱無實而鑑父子流劫殺巡簡馮琳當斬不可原書奏曰臣以議禮忤朝臣故問刑官以臣所劾故歸罪李鑑上下疏法司御史蘇恩等訊其事奏言鑑罪至殺官劫財燒人房

室衆證而獄成問官非有私也

上曰鑑事席書既

爲代辯免死發成給事中管律奏曰今言事者每借議禮爲詞本不相涉而務欲牽引欲中傷人非此無以激聖怒欲已固寵非此無以得歡乞嚴加戒諭上曰律言良是今大禮既定群臣正當摠誠供職毋假希恩報讐

十二月加楊一清少師入閣起王憲總督陝西三邊

○席書上大禮集議進書太子太保聰萼詹事獻夫新少詹事陞賞與議者而不及內閣惟石瑤一疏乞休而費宏自安如故於是張聰上言今日有君無臣

有治法無治人因薦故老學士謝遷桂萼亦言天變未消圖治者非人大臣以道事君不可則止乃乞憐不去豈止之義耶尋進宏少師

閏十二月乙卯朔日食○御用監黃錦請勅遣官蕪湖龍江管運從之工部執奏不報○兵尙書金獻民劾罷以李鉞代

丙戌五年春正月御史張袞乞宥伏闕諸臣下吏部看詳部覆請上裁報罷給事中史于光奏曰聖人喜怒如春秋天道在我也伏闕諸臣怒而罪之固天之道袞疏下部以爲將還諸臣已而報罷一旦如劉安世

齊志以歿。范祖禹梅州不返。必有悔矣。伏望早沛春
生之仁。○南御史趙得佑言。席書排費宏。遂謂臺諫
媚宏。救一陳洸。洸輕之。稱一鄭洛書。洛書劾之。亦有
覲矣。廖紀避吏部讓書。而書肆爲鄙褻之語。是果忠
乎。○御史雷應龍言。乾明門所畜鳥獸。歲費腥肉秫
苴。乞賜屏去。上命所司覈實。

二月。天方來貢。譯使胡士紳言。主客郎陳九川索受
天方玉璞。上怒。逮問時璵。璵已爲詹事。費宏故抑
之。不得與經筵。璵夢心恨不已。噤士紳言之。謂九川
盜貢玉。僞宏製帶。邏卒人宏第。執其僕與九川對簿。

宏奏曰臣曾受故尚書劉璋玉璞製帶無九川餽玉事。詔勿問。給事中解一貫請併逮士紳及天方使人面質不許。九川謫戍。○畿內大饑。四方災異衆多。禮部類奏。上降論罪已。南御史仲選極言小人未遠。忠直未錄。民困未蘇。○巡視御史沈松請免盧溝橋榷使從之。○考察外官拾遺論尋甸知府汪登不謹。部覆以登母老不赴任。宜降級。上特批降三級。改京職以便養。○韓文卒。○御馬監張忠奏工匠陞錦衣官者六十八人。給事中鄭自璧諫阻不允。三月策士奉天殿。賜進士龔用卿等。○陳光凌虔鄉。

人爲怨家所奏獄具當太辟。上令削籍。崔文亦事敗黜閒居。○刑尚書趙鑑執陳洗獄與桂萼爭論不合致任。上製古詩一首以寵其行。

夏四月姚鏌率師討田州岑猛。猛故田州世知府。與思恩岑濬相仇殺。濬破田州。猛走。都御史潘蕃討誅濬。奪猛官。改授千戶。正德初攝田州。撫輯遺民。兵威日振。會從陳金征江西盜有功。遷指揮。慎復祖官。不得。頗怨望。前得猛賂者。譖猛多不法。都御史盛應期信之。欲脅重賂。乃舍猛山不遜語。應期怒。奏猛反狀。應期去。鏌代之。遂請討。乃遣指揮沈希儀五將將軍。

八萬人進討。○席書請罷言士每科選取勿逾二十人。○御史劉禍奏驛傳之害令嚴禁冒乘。

五月癸未朔日食是歲災異有冰雹如斗大大風捲屋百餘處有生兒六目四面獨角一足有一臂二手有虎具人手足入城市噬人。○廖道南進洪範疏。

上覽之命顧鼎臣講洪範。○福建大雨水海澄山鳴。

旗鼓自蜚。○帝奉兩太后觀騎汎舟端午復觀標賜宴給事中高士魁奏言舜作漆器諫者十餘人恐爲侈靡之漸。陛下近有此舉此必左右有緣先朝故事以請者臣見近旨如太監鄧文之請易勅書太監

張忠之乞陞宮匠俱依敝先朝始而漸漸而成矣
上是之

六月獻皇帝實錄成

秋七月副都御史張閏奏曰國初令甲自叛逆盜賊
機密外其軍民訟牒若株連衆多隔限府衛及枝蔓
者不得受理至誣十人者反坐邇來官司罔恤民隱
輕忽者不肯理怠緩者不能理貪暴者恣其科索快
報復縱羅織廢人生業擠人軀命所以干和致災
上是之令一切訟獄止逮主名不得苛煩

八月癸丑撰世廟樂章丁丑世廟成奉安獻皇帝神

主。

九月章聖欲謁世廟。帝以問輔臣。宏一清言。國朝禮制。有皇后初立謁太廟。永樂時改謁奉先殿。無復詣廟者。上以問璵。璵引唐開元禮。后廟見之儀。及國初禮。皇后謁廟。內外命婦陪祀之文。以對。席書。劉龍亦言。高皇準古廟見禮。爲大婚冊后制耳。於祭禮不相涉。璵又言。周天子廟祭。王袞立東序。后副祔立西序。其承宗廟也。具儀以上。帝命集議。石琚言。祖宗家法。后妃入官不復出。太廟尊嚴。乃對越之所。非時享不輕出入。而况后妃乎。帝切責。

之。席書乃請與帝同行從之。○岑猛見討，歛兵弗戰，裂帛陳冤。姚鏌不聽，督兵益急。猛乃守險自固。猛妻歸順，知州岑璋女也。鏌恐璋黨猛，問計於沈希儀。希儀知千戶趙臣善璋，詐令臣徵鎮安兵圖璋。迂道過璋所，璋逐之。臣佯爲不樂，再叩之，不言。挽之卧內，叩之，則泣下。曰：「君不歿，則臣歿矣。」璋大驚，問所以。臣以檄示之，曰：「督府疑君翁婿相黨故也。」璋曰：「猛奴視吾女，吾欲圖之久矣。」乃止。臣而使人詣希儀所，願擒猛自效。猛子邦彥守工堯隘。璋遣人助守。希儀兵逼隘，璋兵先潰呼敗，遂斬邦彥。猛將出奔，璋使人招之。

館於別墅。鵠歿之。斬其首。併所佩印上之。鎮徹兵還。與太監鄭潤奏稱大破田州。猛中矢歿。田州平。請置流官治之。○妖人李福達。初以謀反事連坐。戍山丹。調山海衛。復逃至陝西洛川。與邵進祿等聚衆爲亂。官兵捕獲進祿。福達跳去。莫可跡。山西徐溝縣民張寅。以貲授太原指揮。子大仁。大禮入國學。寅善黃白術。遊武定侯郭勛家。或謂寅卽福達也。其讐薛良。許於巡按馬錄。錄捕之急。寅挺身出對。而免。勛書干錄求解。錄劾勛黨逆。上令都察院覆讞。行山西撫按三法司會鞫。巡撫江潮言。福達聚衆殺人。雖變易姓。

氏而惡貌仍初論以極典都察院覆奏得旨如擬給事中劉琦張達等各劾勛交通反賊院又覆勛當連坐。上疑之逮各犯至京。

冬十月頒獻皇帝恩紀詩含春堂詩於群臣。

十一月帝御經筵大學士宏不至張璁劾宏倨慢不敬縱子懋賢懋良狎昵倡優極其醜詆時懋良犯罪繫獄御史張祿奏曰陛下溺三臣之愛持兩可之心使宏去志不決昧遠嫌避位之心璁夢伎心未已肆下阱投石之計大臣有協恭之義卿佐非糾劾之官縱使懋良事未發尚非其所宜言況已下獄而

乘機傾陷何哉。乞將三臣并賜罷斥。上領之給事

三

解一貫奏曰。宏入仕四十年。未聞大過。其子有犯。於宏無損。璉萼久欲奪其位而居之。其所攻訐。非爲國家也。二三言者。或專攻宏。或兼論璉萼。不知能去宏而不能去璉萼也。伏望諭宏以大臣自期。戒璉萼勿事攻訐。則協恭和衷之治可成。上是之。○大學士一清奏曰。年來文武二途。軒輊太甚。將官專事卑諂。一或不至。文吏以法繩之。或以寸牒不明。而羅織驍勇之將。或搜遠年舊事。而摧傷統馭之才。本兵不之察。則老成慣戰者。置散投閒。而新進未試者。超登將

領他日邊事之壞未必不繇於此。○總兵馬永請宥
伏闕諸臣。詔切責之。故尙書謫成陸完卒。永訟其
功請卹。上怒奪永官。置南京。御史魏有本救永。謫
外給事鄭自璧申救永。奪俸。○兵尚書李鉞卒。王時
中代。○劉健卒。年九十四。優游林下者二十餘年。
十二月田州初設流官。民夷皆不便之。土酋盧蘇挾
猛子邦相以叛。復糾思恩土酋王受煽惑遺衆旬日
間。嘯聚數萬人。○姚鏌平猛時保靖宣慰彭九霄永
順土舍彭宗漢各効忠勇。彭虎臣歿於王事。獎卹有
差。

丁未年春正月張璠上大禮要畧○災異叠見大學
士一清請寬恤以宜修省之澤上曰民間疾苦情
狀不一所見容有未盡匹夫匹婦有不被其澤者令
諸司四品以上及科道官各將利民事宜條奏以備
采酌所言務切政事合民情忠誠明晰足以副朕敬
恤之意○考察閒住教授王价錄事錢子勲與議禮
復官給事解一貫奏云壞祖宗百年之制啓小人倖
用之門恐將來人相援比上特令致仕○詔王府
長史以下悉聽撫按考察○鴻臚卿黃紳言經筵乃
講學親賢之地非視朝聽政比一切差誤免其面奏

從之。經筵官失儀，不面奏，自茲始。

二月，改觀德殿爲崇先殿。○錦衣百戶王邦奇初以傳陞削官，以詔出楊廷和怨之。及奏復，又爲彭澤所抑，亦怨之。乃上疏言：番夷內侵，錄澤邀功啓釁，及廷和草詔殺寫亦虎仙所致，宜誅此兩人。疏下兵部。邦奇復言：費宏、石珪俱廷和奸黨，得奏欲爲彌縫。廷和子兵部主事惇藏匿舊牘，前後奏詞皆不得驗。婚修撰余承勛及澤弟冲爲交通請託。上命下惇承勛獄，合廷臣會鞠之。給事中楊言奏曰：臣聞廉遠則堂高，宏珪乃天子師保之臣，而百官之表也。邦奇心懷

怨望又飾奸言詬辱大臣窮治株連臣竊爲大體惜也廷和當權奸專橫之日保全神器歸於陛下持危定難有正始之功卽所擬詔條矯枉過正然事專爲國心本無他今去國未幾禍延子婿臣恐自今全軀保身之臣皆以廷和爲口實誰復爲國家任事哉上怒卽朝逮言下鎮撫司考掠備至鎮遠侯顧仕隆等覆邦奇所奏皆妄惟假陳言以希進用耳上切責仕隆徇情回護初逮言時御史陳察向呼曰臣願以不肖軀易楊言上目懾察察不爲動上亦置不問察退而上言卽大臣不自飭陛下

亦宜體貌聽自劾去。邦奇宜下司寇獄按治。勿令天下有以窺見風旨。上然之。因寬言獄謫外。悼爲民承勛閑住。○石珪致仕。不賜馳驛。自買車一輛。載妻子暨行李以行。○席書以目眚乞歸。特加大學士。賜第京師。三日卒。上親製祭文傷悼之。○召羅欽順爲禮部尚書。辭不就。

三月朱希周主南計。事竣。有言其不黜一言官。上命再察。希周自劾求罷。許之。再察命亦停。○吏部郎彭澤以浮躁調外。兵侍郎張璉言臣所著或問。澤加稱賞。人以是目爲浮躁。特詔留澤。澤疏辭。自白無其

事不敢欺冒受職不允。○御史陳察陞南太僕少卿疏辭薦故科臣劉世揚等。上怒其陞任不卽拜命市恩要譽降海陽教諭。

夏四月費宏罷許馳驛歸不差官護送。○宏去位吏部會推學行老成者吳一鵬羅欽順四人命再推以翟鑒顧清名上特詔鑒吏部侍郎兼學士入閣。○罷東閣管理誥勅學士官。○刑尚書顏願壽等會審張寅事告人薛良及證者李景全韓良相等具獄詞如江潮馬錄言。上愈疑之將行親鞫大學士一清言治獄非天子事乃已仍下廷臣會訊願壽乃陳

寅造妖言者律斬。上曰：死刑豈宜輕有出入？謀反重罪，率意加人，改擬妖言，不見妖書，行取原問官李珪、江潮等面質。馬錄差官械繫來京。

五月丁丑朔日食。○廣西自盧蘇王受反，訛言猛實不歿，糾安南莫氏入寇，陷思恩矣。御史石金劾姚鏌攘夷無策，輕信罔上。圖田州不得，并思恩而失之。

上大怒，落鏌職，起新建伯王守仁總制兩廣。○甲午京師雨錢。

六月，世廟增用武舞，初費宏定議，止用文舞。何淵以不備爲言。大學士一清詠鑿言：漢高帝以武功定天

下故奏武德文治之舞文帝不尚武功故止用文治
世廟用文亦此意也張璠曰天子八佾人六十四文
武佾各八以天子父不得享天子禮樂何以式四方
法萬世桂萼曰周禮以司于掌舞器蓋音貴人聲而
容貴于戚則去武舞者去所貴也令照數增之

秋七月壬辰南京雨血○桂萼尚書吏部方獻夫禮
部○霍韜爲詹事因言內閣推官非祖制自三楊擅
政籠絡翰林爲屬官中書爲門吏遷擢去留不繇吏
部乞改正以消朋比○河水汎溢豐沛徐州漫爲巨
浸東溢逾曹沉沙壅淤漕渠爲平○江湖等至京乃

出馬錄張寅對鞠皆歸罪於薛良將李福達妄作
寅各勘官因石文舉妄認故問擬成罪疏中不及馬
錄上益疑命逮尚書侍郎顏頤壽劉玉王啓都御
史聶賢劉文莊大理卿少湯沐徐文華顧佖于詔獄
八月命萼總獻夫攝刑部都察院大理寺諭令究明
奸搆鎮撫司搜馬錄篋中得賈詠等私書上責詠
對狀詠疏引罪得致仕去卿汪玄錫余才私議寅事
不須詰亦逮獄○王憲杭雄礮虜於寧夏斬首三百
二十級○桂萼力薦王璫當復用御史胡松劾璫險
邪萼引用非人上怒出之御史周在程啓充請留

松命杜於闕下

九月夢璉獻夫具張寅獄詞謂薛良初許寅都御史畢昭鞠其誣良坐發口外矣因郭勛書貽馬錄錄乘機中勛以危遂文致其事使寅怨家李景全等證成之於是上欲坐錄以死璉營解之乃編成南丹大理少卿徐文華布政李彰按察使李珪僉事章綸都指揮馬牙給事劉琦御史程啓充盧璉坐附會錄各邊成都御史聶賢給事王科秦祐沈漢程輅各爲民尚書顏頤壽等十三人各革職一時竄跡朝堂幾空編欽明大獄錄頒示內外

冬十月起謝遷謹身殿大學士。費宏既去。一清爲首揆。璫氣焰方盛。一清憚之力薦。遷居上。○胡世寧尚書刑部。○張璫文淵閣大學士兼掌都察院事。賜玉束帶及銀圖記二。曰忠良貞一。繩愆糾繆。得密疏言事。又賜勅約束中外御史。○黃綰爲大理少卿。綰以任子附議禮遷躋者。

十二月庚申。靈寶縣黃河清。知縣張廷桂奏。聖天子在上。登庸賢俊。故有是應。特命遣官致祭。御史周相諫阻奪官。○李承勛尚書兵部兼左都御史。○御史王堂陳察列郭勛貪橫狀。上奪勛太保解提督。

團營後軍府印

嘉靖汪畧一卷終